



PAulus honesta familia apud Glaronenses in Heluetia natus, & omni genere uirtutum educatus est. Quamprimùm uerò adoleuisset, exterarum nationes inuisit, atq; multarum rerum cognitionē adeptus est. pari industria Heluetiorū castra secutus, magnam rei militaris peritiā sibi cōparauit. Itaq; cū in patriā reuersus esset, honestis officijs decorat, atq; tandem, pro more eius gentis, communib. suffragijs Amannus eligitur. Est is magistratus in Heluetiorum pagis summus, quem in alijs locis consulum uocant. Hasce functiones Paulus magna diligentia administrauit, atq; ut summa æquitate omnia in Glaronensium ditione peragerent,

curauit. In primis autem religionem amabat, atq; ueram doctrinam Euangelij intelligebat. Itaq; cum alijs prudentissimis uiris suis ciuibus author fuit, ut sub autumnum anno 1560 religionis mutatio Glaronæ fieret, atq; Missa sublata Euangelium reciperetur. Hanc autem mutationem magni motus subsequuti, præsertim cum uicini Heluetij eam iniquo animo tulissent. Verùm prudentum uirorum consilio omnis simultas tandem inter Heluetios sublata fuit. Eo tempore Paulus in percepta religione cōstans permansit, & passim in Heluetiorū comitijs suæ patriæ legatus existens, omnia singulari prudentia peregit. Itaq; factum ut pace restaurata ab eius regionis incolis instar patris diligeretur. Hoc modo is, ueneranda canitie insignis, etiamnum pergit, atque

multis corporis & animi uirtutibus patriam exornat. A nonymos.